

Fikret Ahmedbašić

Familije useljene u Džakule u periodu od 1930. do 2000. godine


U periodu između 1930. i 2000. godine u selu Džakulama izumrlo je ili se trajno iselilo 17 familija. To su familije Jašarevića, Okića, Huskanovića, Bešića, Biberkića, Spahića, Husića, Fačića, Piskića, Softića, Dželimovića, Hamzić, Drndića, Džambića, Begovića, Okanovića i Turnadžića. U istom vremenskom razdoblju zabilježeni su i slučajevi useljavanja u ovo selo. Od 1930. Do 2000. Odine u Džakule su usečile skljedede familija: Suljkanovići, Kaltići, Alići, Bećirovići, Osmići, Hasići (dvije familije), Okanovići, Hodžići, Mrkonjići, Omerovići, Halilovići, Emini i Mašići.

Najčešće useljavanje je sa područja opština Srebrenik i Gradačac. Familija Emmini doselila se iz Kumanova (Make-donija)

Ni jedna od useljenih familija danas nije brojčano velika i najčešće se sastoji od jednog domaćinstva sa više muških članova, pa je normalno očekivati njihovo dalje širenje. Useljene familije rasprostranjene su u svim mahalama ovoga sela.

U mahalalu *Mehmedovići* uselili su se: Osmići, Alići, Mašići i Omerovići; u mahalalu *Buk* uselili su: Okanovići, Hodžići i Mrkonjići; u mahalalu *Kulovići* doselili su: Halilovići i Bećirovići; u *Džakule* su uselili: Suljkanovići, Hasići, Kaltići i Emini.

Useljavanje se najčešće odvijalo dolaskom na ženevinu, djedovinu ili dolaskom u najam kod bogatijih džakulskih domaćina. Starješine današnjih domaćinstava najčešće su se doseljavali kao djeca koju su majke odnekuda dovodile, a oni su tu odrastali, ženili se i formirali domaćinstva, to jest nove familije. Na taj način formirano je 5 familija. Sedam familija oformljeno je tako što je njihov najstariji predak došao na ženevinu, dok su dva useljenja ostvarena tako što su njihovi potomci dolazili u najam i ostajali trajno u ovom selu. Sve ove familije uselile su se u



Osnovna škola u Džakulama, danas

Džakule poslije 1932. godine, osim familije Mrkonjić za koju se pouzdano znade da se u mahalu Buk naselila 1900. godine, kada je došao prvi njihov predak Ramo Mrkonjić iz Donje Medide, opština Gradačac.

Period od 70 godina nije veliki period. Stoga je cilj ovoga rada da ubilježi migraciona kretanja na mikro planu, koja će se moći porediti sa drugim selima i drugim vremenskim razdobljima, te tako donositi zaključci o izumiranju, iseljavanju i useljavanju bošnjačkih familija na širem prostoru.

Familija Suljkanović: rodonačelnik familije je Muhibija Suljkanović, sin Omera i Abide, koja je rođena u Džakulama. Sa suprugom Hajrom doselio je na ženevinu iz Gornje Medide (mahala Prokop), opština Gradačac, 1969. godine. U Džakulama su izrodili troje djece: kćerke Abidu i Nesiju i sina Mustafu.

Familija Alić: vodi porijeklo iz Doborovaca, odakle je 1965. godine na ženevinu doselio Džemal Alić sa suprugom Rabijom. Oformili su domaćinstvo u mahali Mehmedovići i izrodili tri sina: Nedžada, Nijaza i Nedima. U Džakulama danas postoje tri domaćinstva Alića.

Familija Okanovići: kao i Alići i Okanovići vode porijeklo iz Doborovaca. Godine 1951. u mahalu Buk doselio se Hašim Okanović i sklopio brak sa Minom Ibrić, koja mu je rodila tri sina (Mustafu, Avdu i Fikreta) i dvije kćerke. Hašimov sin Mustafa poginuo je kao pripadnik Armije Bosne i Hercegovine. Za sada svi žive u jednom domaćinstvu.

Familija Kaltić: godine 1971. doselila je na svoju očevinu Rasema Omerović, kći Mehmeda iz Babunovića (opština Srebrenik). Sa sobom je dovela i svog sina Suada, kojeg je rodila u braku sa Hasibom

Kaltićem. Njezin sin Suad zasnovao je jedino domaćinstvo Kaltića u Džakulama.

Familija Osmić: porijeklo familije je iz Biberovog Polja, opština Gradačac. Familiju je zasnovao Džemal Osmić, kojeg je kao svog unuka (od kćerke Hanife i zeta Omerana) na svoje imanje doveo Himzo Sejdinović, 1958. godine, inače veoma bogat čovjek, bez muških potomaka. Odrastavši kod djeda, Džemal je oženio Zehru Mušić, koja mu je rodila tri kćerke. Žive u mahali Mehmedovići.

Familija Hasić (Abida): u periodu od 1932. do 2000. godine u Džakule su se uselile dvije familije Hasića koje nisu u rodbinskim vezama. Familija Hasić Abida, sina Ibrahimova doselila se u Džakule iz Donje Zelinje, opština Gradačac, 1963. godine. Poslije smrti oca Ibrahima, Abide da majkom Rahimom i sestrom Fadilom preselio u Džakule, gdje je odrastao, oformio domaćinstvo i oženio se Mihanom Halilović iz Donje Medide sa kojom je izrodio dva sina: Ibrahima i Fahrudina. Žive u mahali Rijeka kao jedno domaćinstvo.

Familija Omerović: pored domicilnih Omerovića, u Džakule se 1967. godine uselila i porodica Mustafe Omerovića, sina Smajla i Ajiše iz Gornjih Srnica, opština Gradačac. Mustafa je kao dijete doveden na djedovinu u mahalu Mehmedoviće i tu zasnovao brak sa Fatimom Hotić, kćerkom Omera iz Trnovaca. Žive u jednom domaćinstvu i sa svojim prezimenjacima iz Džakula nemaju rodbinske veze.

Familija Emini (Albanci) porijeklom je iz Kumanova (Makedonija). Porodica Emini (Isnija i Hanka, porijeklom iz Džakula, sa dvogodišnjim sinom Naserom) doselila je u Džakule 1963. godine. Naser je odrastao u Džakulama i zasnovao za sada jedino domaćinstvo Emini u Džakulama.



Familja Halilović (Osmana): ovaj Halilović porijeklom je iz Donje Međide, a doselio je negdje oko 1940. godine u mahalu Kuloviće «na ženevinu». Oženio je kćerku Kasima Kulovića Džemilu, koju su svi zvali Cura. Izrodili su šest kćeri i sina Begu, koji danas živi u Puli. Sa domicilnim Halilovićima nisu u rodbinskoj vezi.

Familja Hasić (Ahmeta), sina Ahmeta i Fate porijeklom je iz Biberova Polja, opština Gradačac. Godine 1944. Ahmet je kao šestogodišnje dijete, zajedno sa majkom Fatom, doveden u Džakule u najam kod Rame Sulejmanovića. Tu je odrastao i oženio Pašu Omerović, kćerku Mehmeda Omerovića, sa kojom je izrodio sinove Sameda i Senahida i kćerku Hajru. Stariji Samed danas živi u Biberovom Polju, a Senahid u Osijeku, dok se kćerka Hajra udala u Gornje Srnice. Sa familijom Abida Hasića nisu u rodbinskim vezama.

Familija Bećirović (Muharema zv. Bekrija) porijeklom je iz Sladne, opština Srebrenik. Muharem je kao dijete došao u

Džakule sa majkom Ćerimom između 1930. i 1940. godine. U mahali Kulovići Muharem je sklopio brak sa Minom Hev-ešević iz Buka sa kojom je izrodio šest sinova i dvije kćeri. Danas ova familija živi u šest zasebnih domaćinstava i sa prezimenjacima iz Trnovaca nisu u rodbinskoj vezi.

Familja Hodžić (Osmana) porijeklom je iz Donje Međide, opština Gradačac. u Buk se tridesetih godina prošlog vijeka doselio Osman Hodžić i zasnova domaćinstvo koje je i danas jedino, ali sa dva muška potomka.

Familja Mrkonjić porijeklom je iz Donje Međide, opština Gradačac, odakle se 1900. godine u mahalu Buk doselio Ramo Mrkonjić. U Buku danas živi porodica Ismeta Mrkonjića sa više muških potomaka.

Familja Mašić se posljednja doselila u Džakule. Ferid Mašić sa suprugom Safom doselio je 1979. godine iz Sladne (sa Pandurišta) u mahalu Mehmedoviće. Imaju sina Enisa i kćerku.